

Sco prüm böt mantgnair l'ospidal perifer

La Società amias ed amis da l'Ospidal Engiadina Bassa han salvà mardi passà lur radunanza i'l local da cultura dal Bogn Engiadina Scuol. Davo la radunanza ha gnü lö ün referat da Melitta Breznik davart terapias natüralas, burnout e malatias da stress.

La Società amias ed amis da l'Ospidal Engiadina Bassa es gnüda fundada als 3 da settember 2003 e dombra bundant 250 commembras e commembers impustüt da l'Engiadina Bassa, ma eir da divers oters lös in tuot la Svizra. Ils bötts da la societä sun pratics, ideals e materials ed han la mera cha mincha paziaint as sainta bain a l'ospidal. Collavuraturas e collavuratuors dessan esser colliats cul ospidal e la populaziun indigena ed ils giasts dessan avair fiduzcha in quella instituziun.

Per realisar quists bötts sustegna la societä: Lös d'inscunter e chantuns da giovar, equipamaint, imbellimaint in-

tuorn l'ospidal, masüras per promover il bainstar dals impiegats, masüras per fliamaint e da medicina sco eir activitats da comunicaziun internas ed externas. Ils mezs finanzials per realisar ils bötts vegnan da commembranzas e sponsuors. Üna jada l'on, pel solit in cumbinaziun culla radunanza, vegnan sports referats ed in-fuormaziuns chi han da chefar cun medicina, sandä e cultura. Illa cafeteria da l'ospidal vegnan eir organisadas exposiziuns d'art ed oters arrandschamaints.

Reelet la suprastanza

La presidenta dals amis ed amias da l'ospidal, Seraina Bickel da Susch, ha pudü salüdar üna vainchina da commembers e giasts a la radunanza i'l local da cultura dal Bogn Engiadina a Scuol: «Nus vain salvà quist on trais sezzüdas ed hoz vaina da decider davart las tractandas ordinarias.»

La radunanza ha approvà il protocol ed eir il quint annual chi serra cun entradas e sortidas da s-chars 10'800 francs e cun ün gudogn da 1881 francs. Il chapital da la societä s'amunta a 56'000 francs. Pro'l tractandum elec-



Seraina Bickel e Melitta Breznik (da schnestra) a la radunanza dals amis da l'ospidal.
fotografia: Benedict Stecher

ziuns es gnüda reeletta Seraina Bickel sco presidenta e Martin Büsing es gnü eiet sco vicepresidente. Ils ulteriurs commembers da la suprastanza sun gnüts elets in globo sainza cuntravuschs.

Il manader da l'Ospidal Engiadina Bassa, Joachim Koppenberg, ha ingrazchà a la suprastanza dals amis da l'ospidal per lur lavur: «Pel mumaint sta l'Ospidal Engiadina Bassa sün chommas sanas, ma las previsiuns pels pros-

sems ons dan da pensar e perquai sper eu cha nus possan far quint eir in futur cul sustegn da la societä dals amis da l'ospidal.» El ha manzunà cha set ospidals regionalis hajan stuvü gnir serrats e

cha'ls deficits dad ospidals gronds sajan remarquabels.

Referat da Melitta Breznik

Davo la radunanza ha preschantà Melitta Breznik, la doctressa manadra dal cumpartimaint da la medicina integrativa e complementara da l'Ospidal Engiadina Bassa seis cudesch cul titel «Naturbasierte Therapie bei Stressfolgeerkrankungen und Burnout».

La medicina integrativa as basa sül corp da l'uman in möd cumplessiv cun corp, orma e spiert. Quellas parts vegnan inclusas i'l trattamaint ed illa diagnosa dal paziaint. La medicina complementara vain colliada culla medicina da scoula e quella cumbinaziun vain realisada a Scuol in möd professiunal. Melitta Breznik ha quintà da terapias chi s'ha fat cun paziaints illa natüra chi augmainta tenor ella il resultat tscherchà. Las diversas fuormas da terapia chi sun gnüdas fattas sun remarquadas aint il cudesch surnomnä. La sairada es gnüda imbellida cun musica d'orgelins da la «Rümli Gang», üna fuormaziun cun üna guvenila e duos giuvenils da la regiun.

Benedict Stecher/fmr